



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՖԵՐԻԿ
ՀԱՄԱՅՆՔԻ ՂԵԿԱՎԱՐԻ

ՈՐՈՇՈՒՄ

16 մայիսի 2025 թվականի N 9-Ա

ՀԱՅԿԱԿԱՆ ԱՏՈՄԱՅԻՆ ԷԼԵԿՏՐԱԿԱՅԱՆԻ ՎԹԱՐԻ ՍՊԱՌՆԱԼԻՔԻ ԴԵՊՔՈՒՄ
ԲՆԱԿՉՈՒԹՅԱՆ ԱԶԴԱՐԱՐՄԱՆ և ՊԱՇՏՊԱՆՈՒԹՅԱՆ ՀՐԱՏԱՊ
ՄԻՋՈՑԱՌՈՒՄՆԵՐԻ ԿԱԶՄԱԿԵՐՊՄԱՆ ՎԵՐԱԲԵՐՅԱԼ

Ղեկավարվելով <<Հայաստանի Հանրապետության Արմավիրի մարզի արտակարգ իրավիճակների հանձնաժողովի>> 16.05.2025թ-ի թիվ 9-Ա որոշումով՝ Ֆերիկ համայնքի բնակչության պաշտպանության համակարգում պլանային միջոցառումներ անցկացնելու նպատակով, Ֆերիկ համայնքի ղեկավարը

որոշում է

1. Գործողության մեջ դնել <<< Արմավիրի մարզի Ֆերիկ համայնքի Աղետներ ռիսկի կառավարման > պլանը.

2. ՀԱԷԿ-ին հարակից ՆՊՄԻ գոտու բնակավայրի, ձեռնարկությունների, կազմակերպությունների ղեկավարներին՝

- անհապաղ անցնել բնակչության և անձնակազմի պաշտպանության միջոցառումների նախապատրաստմանը (ԱՊՄ բաշխում, պատասպարում, վահանաձև գեղձի արգելափակում):
- կազմակերպել տարահանման հանձնաժողովների ծավալումը, ճշգրտել բնակչության և անձնակազմերի տարահանման հաշվարկները, կազմակերպել տարահանման տրանսպորտային միջոցներով ապահովումը:

1. Կապի և ազդարարման ծառայության պետին՝

- կազմակերպել անհրաժեշտ լրացուցիչ կապի միջոցների ձեռքբերումն ու կապուղիների ապահովումը,
- ապահովել ազդարարման ավտոմատ համակարգերի անխափան գործունեությունը:

2. Բժշկական ծառայության պետին՝

- կազմակերպել տուժած բնակչության բժշկական օգնության անհրաժեշտ դեղամիջոցների ստացումը, նախապատրաստվել տարահանման հավաքակետերում և միջանկյալ կետերում բժշկական ապահովման իրականացմանը:

5.3. Ինժեներական ծառայության պետին՝

- ցուցաբերել մասնակցություն բնակչության պատսպարման համար պիտանի պաշտպա-նական կառույցների, նկուղային հարկերի հարմարեցմանը, դրանց պատրաստի վիճակի բերմանը:

5.4. Տրանսպորտային ծառայության պետին՝

- ճշտել ՆՊՄԻ գոտու բնակավայրերի բնակչության տարահանմանը ներգրավվող տրանսպորտային սարքին միջոցների քանակը, նախապատրաստել լրացուցիչ տրանսպորտային միջոցներ /մարդատար, բեռնատար/ տարահանման, տուժածների և հիվանդների տեղափոխման, տարահանվածների գույքի և նյութական արժեքների տեղափոխման, գյուղատնտեսական արտադրանքի պաշարների դուրսբերման նպատակով:

5.5. Բույսերի և կենդանիների պաշտպանության ծառայության պետին՝

- կազմակերպել ռադիոակտիվ աղտոտված գոտուց գյուղատնտեսական կենդանիների և արտադրանքի պաշարների դուրսբերման ուժերի և միջոցների պատրաստականության բերումը:

5.6. Հասարակական կարգի պահպանման ծառայության պետին՝

- պատրաստականության բերել վթարային հակազդման ուժերն ու միջոցները՝ բնակչության տարահանման հավաքակետերում, տրանսպորտային երթուղիներում և ռադիոակտիվ աղտոտված գոտում գտնվող բնակավայրերում հասարակական կարգի պահպանության, ինչպես նաև այդ բնակավայրերում գույքի և նյութական արժեքների պահպանման կազմակերպման, անցագրային ռեժիմի և պարետային ծառայության կազմակերպման նպատակով,
- նախապատրաստել վերակարգեր՝ անհրաժեշտության դեպքում բնակչության ազդարար-ման գործընթացին մասնակցելու նպատակով:

5.7. Կոմունալ- տեխնիկական ծառայության պետին՝

- կազմակերպել կապտածների և օրվա կարգավորիչ ջրամբարների հերմետիկացումը,
- նախապատրաստել ուժեր և միջոցներ տարահանման միջանկյալ հավաքակայաններում սանիտարական մշակման և տեխնիկայի ապաակտիվացման կետերը ջրով ապահովելու նպատակով:

6. Տարահանման համայնքային հանձնաժողովի նախագահին՝

- գործողության մեջ դնել <<< Արմավիրի մարզի Ֆերիկ համայնքի բնակչության տարահանման պլանը>,

- նախապատրաստել տարահանման հանձնաժողովի աշխատանքային բոլոր փաստա-թղթերը,
- ստուգել կապը վթարային գոտու բոլոր համայնքների տարահանման մարմինների հետ:

7. Սույն որոշումն ուժի մեջ է մտնում արձակման պահից:

8. Սույն որոշումն ուղարկել բոլոր կատարողներին:

Ֆերիկ համայնքի ղեկավար



Ռ. Հասոյան